

ACTA DA SESIÓN ORDINARIA, CELEBRADA POLO PLENO DO CONCELLO O DÍA 10 DE SETEMBRO DE 2007.

ASISTENTES:

ALCALDE-PRESIDENTE:

D. José Demetrio Salgueiro Rapa

CONCELLEIROS:

D. José M. Balseiro Canoura

D^a. Ana Maria Abad López

D. José Manuel González Álvarez

D^a. M^a Dolores Meitin Guerreiro

D. Modesto Ben Fernández

D. Xosé Durán Cao

D. Jaime Pernas Rodríguez

D. Secundino Vázquez Fra

D. Javier Fernández Basanta

D. Jesús Casabella Lage

INTERVENTORA:

D^a Elena Santos Rey

Na Casa Consistorial do Concello de Xove, sendo as dezanove horas do día dez de setembro de dous mil sete, baixo a presidencia do Sr. Alcalde-Presidente, D. José Demetrio Salgueiro Rapa, e coa asistencia dos señores Concelleiros á marxe relacionados e do Secretario D. Luís María Fernández del Olmo, procedeuse a celebra-la sesión ordinaria convocada para a hora e día da data.

Sendo a hora sinalada, polo Sr. Alcalde-Presidente, declarouse aberta a sesión, procedéndose ó debate e votación dos asuntos incluídos na orde do día.

1º) APROBACIÓN DA ACTA DA SESIÓN PLENARIA ANTERIOR DE 9 DE XULLO DE 2007.- ADOPCIÓN DE ACORDO.

Seguidamente, polo Sr. Alcalde-Presidente, preguntouse ós asistentes se tiñan algunha obxección que formular o borrador da acta plenaria de 2 de xullo de 2007.

Non habendo obxeccións, o Concello Pleno por unanimidade dos seus membros acorda aproba-lo borrador da acta da sesión plenaria de data 2 de xullo de 2007.

2º) ESCRITO DE RENUNCIA Ó SEU CARGO DE CONCELLEIRO, PRESENTADO POR D. XOSÉ DURÁN CAO. RATIFICACIÓN DA RENUNCIA E TOMA DE RAZÓN POR PARTE DA CORPORACIÓN.

PCoa autorización da Presidencia polo Sr. Durán Cao sinalase que nesta data na que se formaliza a súa renuncia como Concelleiro quere manifestar lo seu agradecemento a tódolos membros da actual e pasadas corporacións municipais, a tódolos traballadores e funcionarios municipaia e en xeral a tódolos veciños e veciñas de Xove pola colaboración amosada durante todo o tempo que desenvolveu o seu labor de concelleiro.

Manifesta o Sr. Durán Cao que en todo ese tempo a súa actuación como concelleiro estivo presidida pola defensa dos intereses xerais de Xove.

Polo Sr. Alcalde en nome da corporación municipal agradecece ó Sr. Durán Cao o seu traballo de concelleiro.

Polo Sr. Pernas Rodriguez manifesta que o Sr. Durán Cao deixa na Corporación un grato recordo como político e como persona.

A seguir o Sr. Durán Ca da lectura o seu escrito de renuncia obrante no expediente da sesión e presentado con data 23 de xullo de 2007 (Rexistro de Entrada núm. 2321) ratificando expresamente dita renuncia.

O Concello Pleno toma razón da renuncia presentada polo Sr. Durán Cao o seu cargo de Concelleiro.

Neste intre sendo as 19'10 horas abandona a sesión o Sr. Durán Cao.

3º) PROPOSTA DA ALCALDÍA SOBRE DESEMPEÑO CON DEDICACIÓN PARCIAL DO CARGO DE SEGUNDA TENENTE DE ALCALDE, E DELEGADA DE SERVIZOS SOCIAIS, SANIDADE, XUVENTUDE, MULLER E POLITICAS DE IGUALDADE, POR Dª ANA ABAD LOPEZ, E DETERMINACIÓN DE RETRIBUCIÓN. ADOPCIÓN DE ACORDO.

Por Secretaría, dáse conta da proposta da Alcaldía que se transcribe literalmente:

“PROPOSTA DE RECOÑECEMENTO DE DEDICACION PARCIAL A SEGUNDA TENENTE DE ALCALDE Dª ANA MARIA ABAD LOPEZ.

De conformidade co disposto no art. 13.3 e 4 do Regulamento de Organización, Funcionamento e Réxime Xurídico das Entidades Locais de 28 de novembro de 1986, e Art. 75 da Lei 7/1985, e visto o disposto no Art. 141 da Lei Xeral da Seguridade Social, proponse ó Pleno Municipal:

1º) Que o exercicio por parte da Concelleira e Segunda Tenente de Alcaldía e Delegada de Servizos Sociais, Sanidade, Xuventude, Muller, e Políticas de Igualdade, Dª Ana Abad López se desempeñe en réxime de dedicación parcial (15 horas semanais), por consideralo preciso para o bó servizo os veciños, fixándose unhas retribucións brutas de 14 pagas de 900,00€. (ditas pagas devengaránse mensualmente, correspondendo ós meses de xullo e decembro o abono das pagas extraordinarias).

2º) A cantidade referida incrementarase para exercicios sucesivos do mesmo xeito que para o persoal do Concello, segundo o establezan as respectivas Leises de Presupostos Xerais do Estado, e normativa de aplicación.

3º) Facultar a Alcaldía Presidencia para a realización de cantos actos, tramites ou xestións sean precisas para o bo fin dos acordos adoptados.”.

Dase conta igualmente do contido do acordo plenario de data 9 de xullo de 2007 polo que a corporación municipal decidiu deixar sobre a mesa para mellor estudio a votación da proposta de Alcaldía anteriormente transcrita.

Aberto o debate polo Sr. Alcalde manifestase que o grupo de goberno cumprimentando o acordo plenario de 9 de xullo elaborou, e deu traslado a tódolos grupos municipais, un informe no que se reflicten con todo detalle cales son as tarefas a desenvolver por Dª. Ana Abad López e que xustifican a súa adicación parcial

Polo Sr. Pernas Rodríguez manifestase que o Grupo Municipal de AVEXO, á vista do contido do informe de referencia considera xustificada e vai votar a favor da adicación parcial da Concelleira Delegada de Servizos Sociais, Sanidade, Xuventude, Muller, e Políticas de Igualdade, Dª Ana Abad López nos termos e condicións reflectidos na proposta de Alcaldía.

Remata a súa intervención o Sr. Pernas Rodriguez sinalando que sería convinte que Dª. Ana Abad López dera conta periódicamente da súa xestión ó Concello Pleno.

Polo Sr. Alcalde contestase que non hai inconvinte ningún en que trimestralmente tódolos Concelleiros Delegados, non so a Sra. Abad López, den conta o pleno das xestión realizadas nas súas respectivas Delegacións.

Polo Sr. Ben Fernández manifestase que sigue mantendo que no Concello hai personal suficiente para desenvolver-las tarefas descritas no Informe polo que considera innecesaria a adicación parcial proposta.

Rematado o debate, o Concello Pleno, cos voto favorables dos Sres. D. José Demetrio Salgueiro Rapa, D. José M. Balseiro Canoura, D^a. Ana Maria Abad López, D. José Manuel González Álvarez, D^a M^a Dolores Meitin Guerreiro D. Jaime Pernas Rodríguez, D. Secundino Vázquez Fra, D. Javier Fernández Basanta e D. Jesús Casabella Lage , e co voto en contra do Sr. D. Modesto Ben Fernández acorda aproba-la proposta de Alcaldía anteriormente transcrita.

4º) DESIGNACIÓN DE REPRESENTANTE MUNICIPAL NA ASAMBLEA XERAL DO CONSORCIO GALEGO DE SERVIZOS DE IGUALDADE E BENESTAR. ADOPCIÓN DE ACORDO.

Por Secretaría, dáse conta Do escrito remitido polo Consorcio Galego de Servizos de Igualdade e Benestar interesando o nomeamento de representante municipal na Asamblea Xeral do Consorcio.

Aberto o debate polo Sr. Alcalde sinalase que unha vez aprobada a dedicación parcial da Concelleira Delegada de Servizos Sociais propón que sexa dita Concelleira D^a. Ana Abad López a representante municipal na Asamblea Xeral do Consorcio Galego de Servizos Igualdade e Benestar.

Rematado o debate, o Concello Pleno, cos voto favorables dos Sres. D. José Demetrio Salgueiro Rapa, D. José M. Balseiro Canoura, D^a. Ana Maria Abad López, D. José Manuel González Álvarez, D^a M^a Dolores Meitin Guerreiro D. Jaime Pernas Rodríguez, D. Secundino Vázquez Fra, D. Javier Fernández Basanta e D. Jesús Casabella Lage , e coa abstención do Sr. D. Modesto Ben Fernández acorda aproba-la proposta de Alcaldía e na súa consecuencia nomear a D^a. Ana Abad López representante municipal na Asamblea Xeral do Consorcio Galego de Servizos Igualdade e Benestar.

5º) MOCIÓN DO GRUPO MUNICIPAL DO PARTIDO POPULAR, SOBRE O PLAN DE REEQUILIBRIO TERRITORIAL DE GALICIA. ADOPCIÓN DE ACORDO.

Por Secretaría dase conta ó Concello Pleno da Moción do epígrafe.

Polo Sr. Alcalde explicase o contido de dita Moción saientando que os dous motivos fundamentais da mesma son a falla de participación dos Concellos na elaboración do Plan e a falla absoluta de concreción do mesmo.

Polo Sr. Pernas Rodriguez manifestase que AVEXO vai votar a favor da aprobación da Moción por considerar que o Plan é unha mera declaración de boas intencións sen concreción ningunha e elaborado a espaldas dos Concellos.

Polo Sr. Ben Fernández manifestase que considera absurdo dicir que un Plan que prevee inversións en 3 anos por importe de 3.500 millóns é papel mollado.

Polo Sr. Alcalde contestase que a Moción non se opoñe a esas inversións xa que o que solicita é que se concreten e se consulte cos Concellos afectados.

Rematado o debate, o Concello Pleno, cos voto favorables dos Sres. D. José Demetrio Salgueiro Rapa, D. José M. Balseiro Canoura, D^a. Ana Maria Abad López, D. José Manuel González Álvarez, D^a M^a Dolores Meitin Guerreiro D. Jaime Pernas Rodríguez, D. Secundino Vázquez Fra, D. Javier Fernández Basanta e D. Jesús Casabella Lage , e co voto en contra do Sr. D. Modesto Ben Fernández acorda aproba-la Moción do epígrafe que a seguir se transcribe:

“ O GRUPO MUNICIPAL DO PARTIDO POPULAR DE GALICIA (PPdeG) no Concello de Xove a través do seu portavoz D. José Manuel González Alvarez en base á lexislación vixente, presenta a seguinte:

MOCIÓN

Que se fundamenta na seguinte:

EXPOSICIÓN DE MOTIVOS

O 25 de xuño de 2007, o Presidente da Xunta de Galicia fixo público o contido do Plan de Reequilibrio Territorial. A través deste documento, o Executivo autonómico comprométese a executar unha serie de actuacións e investimentos, en varios concellos da xeografía galega, co obxecto de impulsar o desenvolvemento económico, equilibrado e sostible de Galicia, reforzando a cohesión socio-territorial e, impulsando unha serie de actuacións orientadas a corrixir os desequilibrios internos a partir dun proceso de dinamización económica, planificación e coordinación das actuacións das distintas Administración Públicas en infraestruturas, apoio aos sectores produtivos e equipamentos.

Tras realizar unha análise do seu contido, o Grupo popular constata que este plan se limita a ser unha compilación de proxectos paralizados tras o acceso ao poder do actual Goberno bipartito, e outros que, na maioría dos casos, xa deberán estar rematados. Ademáis, do propio contido do Plan, dedúcense importantes ausencias, consecuencia todas elas da falta de participación dos Concellos na elaboración do mesmo, que constitúen un verdadeiro fraude para as entidades locais.

Por outra banda, desde o Grupo Popular, entendemos que o Plan de Reequilibrio Territorial de Galicia contempla unha descrición pouco precisa das actuacións nel incluídas, o que dificulta a análise da súa funcionabilidade e imposibilita realizar unha valoración precisa da repercusión e beneficios que as previsións nel contidas traerán ao noso concello, e ás bisbarras da Mariña lucense. Pese a iso, é sinxelo observar a falta de novas ideas, novos proxectos e o atraso de moitos deles respecto das previsións incluídas no Plan de Dinamización Económica de Galicia posto en marcha polo anterior Executivo Popular.

Por todo o anteriormente exposto, o Grupo Municipal que subscribe, considera de interese municipal prioritario que o Pleno da Corporación Municipal ACORDE:

Que o Pleno do Concello inste á Xunta de Galicia a:

PRIMEIRO.- Que se teña en conta a participación dos distintos concellos galegos na elaboración definitiva do Plan de Reequilibrio Territorial de Galicia de tal xeito que, unha vez consultado ao Concello de Xove, poidan incorporarse as achegas que este realice.

SEGUNDO.- Que se establezan prazos de execución concretos así como as previsións orzamentarias precisas, en relación con todas e cada unha das actuacións incluídas, ou que se poidan incluír tras as consultas aos distintos concellos, no Plan de Reequilibrio Territorial de Galicia.

TERCEIRO.- O Concello de Xove remitirá o contido do presente acordo á Presidencia da Xunta de Galicia, así como tamén a cada un dos Grupos Parlamentarios da Cámara galega e aos órganos de dirección da Federación Galega de Municipios e Provincias de tal xeito que todos eles poidan coñecer os termos do acordado na sesión plenaria da Corporación Municipal. “

6º) MOCIÓN DO GRUPO MUNICIPAL DO PARTIDO POPULAR, SOBRE A REALIZACIÓN DE AUTOPSIAS E EXAMES FORENSES NO HOSPITAL DE BURELA. ADOPCIÓN DE ACORDO.

Por Secretaría dase conta ó Concello Pleno da Moción do epígrafe.

Polo Sr. Alcalde explicase o contido de dita Moción sinalando que desde a data da súa presentación o goberno autonómico, pola presión de tódolos sectores afectados, rectificou e acordou retoma-la descentralización de xeito que as autopsias e exames forenses volvense a facer no Hospital de Burela, razón pola cal retira o punto 3º da Moción mantendo o resto xa que os problemas coa empresa adxudicataria da concesión seguen sen solucionarse.

Polo Sr. Pernas Rodríguez manifestase que AVEXO apoia a aprobación da Moción xa que se estan a ver situacións humanas e familiares tremendas, razón pola cal incluso habería que estudia-la posibilidade de solicitar unha ampliación dos horarios dos médicos forenses para evita-los retrasos enormes que se estan a producir na realización de autopsias e exames forenses.

Polo Sr. Ben Fernández manifestase que se ben esta de acordo con parte da Moción non pode apoia-la porque resulta hipócrita que sexa o Partido Popular que vote a culpa o actual goberno da Xunta cando a centralización en Lugo da realización de autopsias é o resultado da aplicación dunha lei aprobada polo último goberno de Fraga.

Polo Sr. Alcalde manifestase que a creación do IMELGA en ningún caso obrigaba a deixar de facer autopsias en Burela e moito menos a face-la desfeita que se fixo ó conceder o servizo de transporte a unha soa empresa.

Rematado o debate, o Concello Pleno, cos voto favorables dos Sres. D. José Demetrio Salgueiro Rapa, D. José M. Balseiro Canoura, Dª. Ana Maria Abad López, D. José Manuel González Álvarez, Dª Mª Dolores Meitin Guerreiro D. Jaime Pernas Rodríguez, D. Secundino Vázquez Fra, D. Javier Fernández Basanta e D. Jesús Casabella Lage , e co voto en contra do Sr. D. Modesto Ben Fernández acorda aproba-la Moción do epígrafe que a seguir se transcribe:

“ O GRUPO MUNICIPAL DO PARTIDO POPULAR DE GALICIA (PPdeG) no Concello de Xove a través do seu portavoz D. JOSÉ MANUEL GONZÁLEZ ALVAREZ en base á lexislación vixente, presenta a seguinte:

MOCIÓN

Que se fundamenta na seguinte:

EXPOSICIÓN DE MOTIVOS

Como consecuencia da centralización da práctica das autopsias nas instalacións que o Instituto de Medicina Legal de Galicia (IMELGA) posúe na capital lucense , operada desde abril do ano 2006, se están a provocar múltiples prexuízos ás familias daqueles falecidos cuxos cadáveres precisan deste tipo de probas e exames forenses.

A inmensa maioría destes inconvenientes veñen derivados das longas esperas ás que se ven sometidos os familiares para poder dispoñer do corpo do falecido. Esperas que, en moitas ocasións, son superiores ás 24 horas e que, en todo caso, veñen a prolongar inxustificadamente a dor e angustia das familias, á vez que implican a necesidade de continuos traslados do cadáver desde o lugar do falecemento ata Lugo, e desde a capital provincial ata o lugar onde se realizarán as exequias.

O Goberno bipartito non pode permanecer xordo ante as reivindicacións da sociedade mariñá, exemplificada nas peticións feitas desde distintas asociacións de veciños, colectivos e institucións -incluídos algúns Concellos gobernados polos partidos que sustentan ao actual Executivo autonómico-, á vez que non debe ser alleo ante as graves anomalías que se están a producir na prestación do servizo, e os múltiples inconvenientes que se teñen máis que demostrados e os últimos casos acontecidos na nosa comarca.

Na actualidade a Xunta de Galicia adxudicou a unha soa empresa funeraria o servizo de transporte de cadáveres que precisan da práctica de autopsias en toda a provincia de Lugo. Cuestión que xa de por si causou unha gran polémica tras as acusacións feitas desde as asociacións patronais que entendían que os requisitos establecidos para poder optar a esta adxudicación provocaban que a práctica totalidade das empresas funerarias non podan acceder a prestar este servizo e, en consecuencia, crean un monopolio de feito.

Xunto a esta irregularidade, e despois dunha simple análise dos datos e informacións existentes, dedúcese claramente que se está a producir unha grave e nova anomalía: o incumprimento sistemático dos requisitos establecidos no contrato de transporte de cadáveres ao que facemos referencia. Resulta evidente que é imposible, no caso dos concellos máis afastados da capital lucense, cumprir a cláusula que, no prego de prescricións técnicas que describe este servizo, obriga á empresa adxudicatária a presentarse alí onde sexa requirida nun prazo non superior a 45 minutos.

Por outra banda, é preciso recordar que, ata que o Goberno bipartito decidiu centralizar as autopsias a máis de cen quilómetros do litoral mariñá, estas se viña efectuando no Hospital da Costa de Burela. Isto era así grazas á aplicación dun convenio asinado entre a entón Consellería de Xustiza, Interior e Administración Local, e o SERGAS, que non foi renovado polo Executivo de Touriño e de Quintana, pese a que nel se incluían as previsións convenientes para dotar dos medios técnicos, económicos e humanos necesarios que permitirían prestar adecuadamente este servizo na nosa bisbarra.

Finalmente, e despois de valorada a situación actual, así como o resto das cuestións explicadas, é necesario lembrar que na lexislación vixente non aparece ningún tipo de impedimento nin técnico,

nin legal, nin procedimental que impida a descentralización deste servizo e, en consecuencia, a recuperación da práctica de autopsias na Mariña lucense. Desta forma, teríanse en conta as particularidades propias da nosa bisbarra que fan practicamente imposible prestar un servizo correcto sen provocar novos prexuízos ás familias cuxos seres queridos unha vez falecidos precisan dun exame forense.

Por todo o anteriormente exposto, o Grupo Municipal que subscribe, considera de interese municipal prioritario que o Pleno da Corporación Municipal ACORDE:

PRIMEIRO.- O Pleno da Corporación Municipal xovense insta á Xunta de Galicia a que os servizos xurídicos da Administración autonómica elaboren un informe sobre a repercusión do incumprimento da cláusula que establece a obriga da empresa adxudicataria do contrato de transporte de cadáveres, á presenza inmediata no lugar onde estea o corpo do falecido que precise da práctica dunha autopsia e, en todo caso, a estar alí onde sexa requirido nun prazo máximo de 45 minutos

SEGUNDO.- O Pleno do Concello de Xove instar á Xunta de Galicia a adoptar as medidas necesarias para verificar o cumprimento, en todos os seus termos, do contrato de prestación do servizo de transporte daqueles cadáveres que requiren da práctica dunha autopsia e, de xeito especial, no referido á provincia de Lugo

TERCEIRO.- Que o devandito acordó plenario sexa remitido a os Grupos Parlamentarios do PSOE, BNG e do PP no Parlamento de Galicia, e na Corporación Provincial.

7º SOLICITUDE SUBVENCIÓN Ó ABEIRO DA ORDE DO 20 DE ABRIL DE 2007 PARA A REDACCIÓN DE INSTRUMENTOS DE PLANEAMENTO URBANÍSTICO. ADOPCIÓN DE ACORDO.-

por secretaría dase conta á corporación do expediente elaborado ó abeiro da Orde do epígrafe no que se solicita unha subvención por importe de 34.960'00 € para a elaboración dos traballos reflectidos na Memoria obrante no expediente e que se concretan no cumprimento do disposto na Lei 9/2006, de 28 de abril, sobre avilación dos efectos de determinados plans e programas no medio ambiente, que supón a realización dun proceso de Avilación Ambiental Estratexica para o Plan Xeral de Ordenación Municipal actualmente en tramitación.

Aberto o debate polo Sr. Pernas Rodriguez manifestase que AVEXO vai votar a favor de pedi-la subvención mais considera necesario solicitar tamén que a concesión ou non desta subvención non supoña en ningún caso un novo atraso na redacción do PXOM.

Polo Sr. Alcalde manifestase que a redacción e aprobación do PXOM é unha prioridade absoluta para o equipo de goberno.

Rematado o debate a Corporación por unanimidade dos seus membros asistentes á sesión acorda solicitar ó abeiro da Orde da CPTOPT do 20 de abril de 2007 unha subvención por importe de 34.960'00 € para a elaboración dos traballos reflectidos na Memoria obrante no expediente e que se concretan no cumprimento do disposto na Lei 9/2006, de 28 de abril, sobre avilación dos efectos de determinados plans e programas no medio ambiente, que supón a realización dun proceso de Avilación Ambiental Estratexica para o Plan Xeral de Ordenación Municipal do Concello de Xove actualmente en tramitación.

5) ROGOS E PREGUNTAS

1.- Polo Sr. Ben Fernández pregúntase ó Sr. Alcalde se o Grupo de Goberno ten previsto elaborar unhas novas bases de selección de persoal.

Polo Sr. Alcalde contestase que sí, engadindo que na selección de persoal para praias (socorristas, limpeza de baños, e limpeza de praias), celebradas á semana pasada, por razóns de urxencia utilizáronse as bases xa existentes.

2º) Polo Sr. Ben Fernández preguntase ó Sr. Alcalde se os delegados informarán regularmente ó Pleno das xestións realizadas nas súas respectivas áreas.

Polo Sr. Alcalde contéstase que non existe inconveniente algún para que os Delegados eleven informes acerca das súas actividades para coñecemento de tódolos grupos municipais.

3º) Polo Sr. Durán Cao rógase que por quen corresponda, se tomen as medidas oportunas para ampliar o horario de apertura, tanto do Centro Xuvenil, coma da Biblioteca, e par que nesta última dependencia, se controle de xeito mais adecuado o tipo de actividades que nela se realizan, para que se rebaixe o nivel de ruído e desorde que con excesiva frecuencia molesta ós usuarios.

Polo Sr. Alcalde se toma razón do rogo formulado.

E sen mais asuntos que tratar, sendo as dezanove horas e trinta minutos, levantase a sesión, estendéndose a acta presente, de todo o que como Secretario, dou fe.

O ALCALDE,

O SECRETARIO,

Asdo: José Demetrio Salgueiro Rapa

Asdo: Luís María Fernández del Olmo